


2008-mi pisortat atuinerat annertusisoq

Atuineq annertusiartortoq

Pisortat ingerlatsinerat kiffartuussinerallu 2008-mi ataatsimut 6,4 mia. koruuninik atuiffiusimavoq. Atuinikkut annertuseriaat 413 mio. koruuniulluni 2007-mullu naleqqiullugu 7 pct.-ulluni, takussutissaq 1 malillugu. Atuinikkut annertuseriaat kommuneqarfinni, namminersortuni nalagaaffeqarfimmilu pivoq.

Pisortatigut atuineq ataatsimut



Pisortat aningaasartuutaat annertusiartortut

2008-mi aningaasartuutaasimapput 8.756 mio. koruunit. Ukiumut siulianut naleqqiullugu 6,3 pct.-mik annertuseriarnerulluni. Pisortat aningaasartuutaat annerusumik peqqutseqarput piksortat nalinginnaasumik kiffartuussinertigut aningaasartuuteqarnerinik, peqqinnissaqarnikkut, ilinniartitsinikkut aningaasaqarnikkullu suliniutseqarnikkut.

... aningaasaliinerittaaq annertuseriartut

2008-mi aningaasaliinerit aalajangersimasut nutaat 57 mio. koruuniniit 370 mio. koruuninut annertuseriarput, annertuseriaat 18 pct.-ulluni. Annertuseriaat tamanna kommuneqarfinnut ingerlataqarfiinut atatinneqartariaqarluni. 2008-mi kommuneqarfiit aalajangersimsimasutigut aningaasaliineri 84 mio. koruuninik annertuseriarput. Namminersornerusut ingerlataqarfiini aalajangersimasutigut aningaasaliineri 2008-mi 28 mio. koruuninik appariarput. Tamassumunnga atatsillugu kommuneqarfiit 2008-mi inissianik tunisinertigut ilanngaattissat ilanngaatigereerlugit 36 mio. koruunit missaannik iserttitsipput.

Isertitatigut siumukarneq

2008-mi pisortat ingerlatsinikkut sulisussinikkullu ataatsimut isertitaat 8.847 mio. koruuninik annertussuseqarput. Tamatumani ukiup siuliani isertitanut naleqqiullugu 221 mio. koruuninik siuariarnerulluni. Siuariarnerup annertunersaa tunngaveqarpoq ataavartumik isertitaqarnertigut, pisuussutitsigut akileraartarnikkut taamatullu nunanit allanit nuussisarnertigut.

Killiffiup ajorsinerunera

Pisortat aningaasaqarnikkut 2008-mi killiffik 91 mio. koruuninik sinneqartoorfiuvoq. Taamalu sinneqartoorut ataatsimut 2007-mut naleqqiullugu 295 mio. koruuninik nakkariarnerulluni. Ajorseriarneq ingerlatsinermi aningaasartuutit annertuseriarnerannik peqqutseqarpoq.

... pdf.filinngorlugu

"Pisortat aningaasaqarnerat 2008" saqqummersitaq Naatsorsueqqissaartarfimmut saaffiginnikkut piniarneqarsinnaavoq imaluunniit pdf-filitut pineqarsinnaalluni Naatsorsueqqissaartarfiup saqqummersittagaatigut www.stat.gl.

*E-mailimut
ilaasortanngorit*

Siunissami kisitsisitigut paasissutissat nutaat Naatsorsueqqissaartarfiup saqqummersittakamigut tamanut saqqummiinerani ilisimatinneqartalerusukkuit, qarasaasiakkut allatta nutaarsiassaasivippit ilaasortanngorfigiuk: Iserfigiuk www.stat.gl. Ammakka-vit qulaani qineruk *"Tuniniaaneq Sullissinerlu"* malittuanillu *"Pisartagaqarnermi sullis-sivik"*. Taava siunissami kisitsisitigut paasissutissat nutaat tamanut saqqummiunne-qarnerini e-mailikkut pissarsisinneqartalissaatit.

Annertunerusumik paasisaqarusukkuit saaffigisinnaavat naatsorsueqqissaarnermi siunnersortaaneq Lene Baunbæk e-mailkut leba@stat.gl.

Inussiarnersumik inuulluaqqusillunga

Lene Baunbæk

Naatsorsueqqissaarnermi siunnersortaaneq